

卉亘青葉彫。冬草悉枯。川谷狹小。南北五日程。東西一日行。土地卽盡。餘並蔭山。屋並板木覆上。不用草瓦。王及首領百姓等。」甚敬三寶。國內有一龍池。彼龍王每日供養一千羅漢僧。雖無人見彼聖」僧食。亦過齋已。卽見餅飯從水下紛々亂上。以此得知。迄今供養不絕。王及大」首領出外乘象。小官乘馬。百姓並皆途步。

95 國內足寺足僧。大小乘俱行。五」天國法。上至國王。至國王²⁰及妃王子。下至首領及妻。隨其力能各自造寺」也。還別作。不共修營。彼云。各自功德。何須共造。此旣如然。餘王子等亦爾。凡造寺供養。卽施村庄百姓。供養三寶。無有空造寺不施百姓者。爲」外國法。王及妃姤。各別村庄百姓。王子首領。各有百姓。布施自由不王者。造寺亦然。」須造卽造。亦不問王。王亦不敢遮。怕拈罪也。若富有百姓。雖無村庄布施。亦勵」力造寺。以自經紀。得物供養三寶。爲五天不賣人。無有奴婢。要須布」施百姓村菌也。又迦葉彌羅國東北。隔山十五日程。卽是大勃律國。楊」同國。娑播慈國。此三國並屬吐蕃所管。衣著言音人風並別。著皮」裘氎衫靴袴等也。地狹小。山川極險。亦有寺有僧。敬信三寶。若是」已東吐蕃²¹。物無寺舍。不識佛法。當土是胡。所以信也。